

պագրութեանց և վանորէից՝ հօնայ տիտղոսով աւագութեան :

Շատ նշանաւոր է նաև ամասիացի Մանուկ օղլու կարապետ, և ունի իր մասնաւոր կենսագրութիւնը ֆրանսերէն :

Այս կարապետ Մանուկ օղլու՝ ծնաւ Ամասիա քաղաքն հարուստ և ազնուական ծնողքէ, 1755ին : Տասն և եօթն տարեկան հասակին՝ սկսաւ վարել ինքնագլուխ իր հօր վաճառատան գործերը . քսաներեք տարեկանին՝ վաղ իսկ ամուսնացած՝ անցաւ եկաւ Կ. Պոլիս, ուր սկսաւ առևտրական մեծագոյն գործերու : Սեղանաւորութիւն ալ ըրաւ շատ փաշաներու, մասնաւորապէս երկու մեծ փաշաներու, որ էին բազմահոշակ անձնաւորութիւններ :

Մանուկ Օղլույի վաճառարարձ նաւերը կերթեւեկէին Խրիմ և Ռուսաստան : Քսան տարի շարունակելով այսպէս թանգար-վաճառականութիւն մը՝ դիզեց մեծ հարստութիւն . ապա սկսաւ վատիլ ու իյնալ :

Այդ առաջին անկումէն ետք՝ նորէն կանգնեցաւ օգնութեամբ իր եղբայրներուն, և վերստին ինկաւ, մինչեւ որ՝ մղուած արկածներէ ու հիւանդութիւններէ՝ գնաց Սինոպ ու անկէ Եանեա, ուր նորէն տէր եղաւ տունի և դիրքի :

Ապա վերագառնալով Կ. Պոլիս՝ կըրցաւ ատենի մը համար զբաղիլ դարձեալ իր առևտրական հին գործերով, մինչեւ որ բախելով մեծամեծ վնասներու՝ միտքը դրաւ երթալ ապրիլ Ֆրանսա : Հետզհետէ Վարչաւիա, Պերլին, Վիեննա, Համպուրկ, Լոնտրա և ուրիշ եւրոպական քաղաքներէ անցնելով՝ հասաւ Փարիզ 1823ին :

Հոն՝ իր ամբաւ հարստութեանց նշխարներովը՝ բացաւ արեւելքի անուշահոտութեանց լսանութ մը Պա-